



Fidoyilik —
Vatanga xizmat demak!

2024-yil 14-mart, payshanba,
32 (23.909)-son

**KUN
HIKMATI**

Kechira
bilish
himmatning
eng yaxshi
namunasidir

1913-yil aprel oyidan chiqa boshlagan



www.zarnews.uz



https://www.facebook.com/zarnews.uz



@zarnews_uz



https://twitter.com/zarnews_uz

Xalq deputatlari viloyat Kengashining QARORI

Jomboy tumanidagi ayrim aholi punktlarini nomlash to'g'risida

O'zbekiston Respublikasining 2011-yil 12-oktabrdagi "Geografik obyektlarning nomlari to'g'risida"gi Qonunining 4- va 9-moddalariga muvofiq Geografik obyektlarni nomlash va qayta nomlash masalalari bo'yicha viloyat komissiyasining 2023-yil 13-dekabrda yig'ilish bayoni hamda O'zbekiston Respublikasi Iqtisodiyot va moliya vazirligi huzuridagi Kadastr agentligining 2024-yil 9-yanvardagi (03/08-174-son) ekspertiza xulosasini inobatga olib, xalq deputatlari viloyat Kengashining oltinchi chaqiriq to'qson oltinchi sessiyasi **QAROR QILADI**:

1. Quyidagilar:

Jomboy tumanidagi aholi punktlarining nomlari ilovaga muvofiq tasdiqlansin.

2. Viloyat kambag'allikni qisqartirish va bandlik bosh boshqarmasi (T.Mahmudov), viloyat statistika boshqarmasi (Sh.Abdiev), Davlat kadastrlari palatasi viloyat boshqarmasi (M.Quvondiqov), Jomboy tumani hokimligi (Q.Sobirov) mazkur qaror ilovasida ko'rsatilgan aholi punktlari nomlarining belgilangan tartibda statistik hisobotlarda aks ettirilishini va ish yuritish hujjatlariga o'zgartirishlar kiritilishini ta'minlasin.

3. Viloyat ichki ishlar boshqarmasi (R.Mamatov), Jomboy tumani hokimligi (Q.Sobirov) nomlangan aholi punktlariga aholini ro'yxatga qo'yish hamda tegishli yo'l belgilarini o'zgartirish bilan bog'liq tashkiliy ishlarni amalga oshirsin.

4. Davlat kadastrlari palatasi viloyat boshqarmasi (M.Quvondiqov), Jomboy tumani hokimligi (Q.Sobirov) birgalikda nomlangan aholi punktlariga belgilangan tartibda zamonaviy talablar asosida peshlavha va ko'rsatkich belgilarining o'rnatilishini ta'minlasin.

5. Viloyat hokimligi axborot xizmati – matbuot kotibi (M.Mirzayev), "Axborot-kommunikatsiya texnologiyalari-

ni rivojlantirish markazi" davlat unitar korxonasi (N.Norbekov) ushbu qarorni Lex.uz - O'zbekiston Respublikasi qonunchilik ma'lumotlari milliy bazasida rasman e'lon qilinishini va viloyat hokimligining rasmiy veb-saytiga joylashtirilishini ta'minlasin.

6. Viloyat hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash masalalari bo'yicha maslahatchisi (Sh.Temirov) mazkur aholi punktlari nomlarini 10 kun muddatda davlat reestri bazasiga kiritish choralari ko'rsin.

7. Ushbu qaror rasman e'lon qilingan kundan boshlab kuchga kiradi.

8. Mazkur qaror bajarilishini nazorat qilish xalq deputatlari viloyat Kengashining Qonuniyligi ta'minlash va korupsiyaga qarshi kurashish masalalari bo'yicha doimiy komissiyasi (Sh.Jo'raqulov) va viloyat hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash masalalari bo'yicha maslahatchisi (Sh.Temirov) zimmasiga yuklansin.

Sessiya raisi

S.USMONOV

2024-yil, 23-fevral

Jomboy tumanidagi nom berilayotgan aholi punktlari

T/r	Geografik obyektni joylashgan o'rni (MFY)	Nom berilayotgan aholi punkti	Respublika ekspertiza komissiyasi xulosasi
1.	"Dehqonobod" MFY	Jobi	Qonun hujjatlar talablariga muvofiq
2.	"Kattaqishloq" MFY	Katta Shirinkent	Qonun hujjatlar talablariga muvofiq

Prezidentimizning «Farmatsevtika tarmog'ini yanada rivojlantirish va investitsiya loyihalarini amalga oshirishni jadallashtirish bo'yicha qo'shimcha chora-tadbirlar to'g'risida»gi qarorida farmatsevtika sohasida yuqori talabga ega bo'lgan mahsulotlarni o'zlashtirish, yangi investitsiya loyihalarini moliyalashtirishni qo'llab-quvvatlash, sohaga to'g'ridan-to'g'ri xorijiy investitsiyalarni jalb qilish, farmatsevtika mahsulotlarini ishlab chiqarish hajmlarini oshirish, aholini sifatli, samarali va arzon farmatsevtika mahsulotlari bilan ta'minlash, mahalliy korxonalarga umume'tirof etilgan amaliyotlar va standartlarni keng tatbiq etish maqsadida aniq choralar belgilab berilgan edi.

Viloyat hokimligida mazkur qaror ijrosini amalga oshirish bo'yicha amalga oshirilishi kerak bo'lgan ishlar yuzasidan yig'ilish o'tkazildi.

Sohaga aloqador mas'ullar, tegishli idoralar vakillari, farmatsevtika korxonalari rahbarlari ishtirokida o'tkazilgan yig'ilishda sohadagi mavjud kamchiliklar, har bir dori ishlab chiqaruvchi korxonaning faoliyati va duch kelayotgan muammolari tahlil qilindi.

- Viloyat importining 16,2 foizini far-



XO'ROZQAND CHET ELNIKI DESA...

Viloyat importining 16,2 foizini farmatsevtika mahsulotlari tashkil etadi

matsevtika mahsulotlari tashkil etishini inobatga olsak, dori vositalari va tibbiyot buyumlari ishlab chiqarishni mahalliylashtirish qanchalik muhim ekanini anglash qiyin emas, — dedi viloyat hokimi Erkinjon Turdimov. - Shuning uchun viloyatimizdagi mavjud korxonalar va loyihalari puxta bo'lgan tadbirkorlarning farmatsevtika mahsulotlari ishlab chiqarish bilan bog'liq tashabbuslarni qo'llab-quvvatlash zarur.

Viloyat rahbari shahar va tumanlar hokimliklariga ushbu tarmoq bo'yicha

mavjud korxonalarni qo'llab-quvvatlash, xorijiy investorlarni jalb etgan holda yangi farmatsevtika loyihalarini ishlab chiqish bo'yicha topshiriqlar berdi.

Ta'kidlash o'rinliki, bugungi kunda viloyatda farmatsevtika mahsulotlari ishlab chiqarish bilan shug'ullanuvchi 20 ga yaqin korxonalar faoliyat yuritadi. Ularda 200 turdan ziyod mahsulot ishlab chiqarilib, xorij korxonalardan keltirilayotgan analoglardan qolishmaydigan sifatda sotuvga chiqarilayapti.

Yurtdoshim, bog'ingga bir nihol qada

Bir gektar maydondagi daraxt bir kecha-kunduzda 220-275 kilogramgacha karbonat angidrid gazini yutib, 180-215 kilogramm kislorod ajratadi. Bu miqdor o'rtacha 500 kishini kun davomida kislorod bilan ta'minlashga yetadi. Eng ko'p kislorodni qayrag'och (gektariga 6-7 tonna) va archalar (gektariga 4,8-5,9 tonna) ishlab chiqaradi. Bir yilda o'rta yoshli (60 yosh) o'rmon o'rtacha 14,4 tonna karbonat angidrid gazini yutib, 10,9 tonna kislorod ishlab chiqaradi. 1 gektar ekinzor bir soatda 200 nafar inson chiqargan karbonat angidrid gazini yutadi. Bir kishining yillik kislorodga bo'lgan ehtiyojini 0,1-0,3 gektar o'rmon qoplay oladi. Bitta

katta daraxt 1 kishiga yetarli kislorod ajratib beradi. Daraxtlar faqatgina kislorod manbai emas. Daraxt va butalar shovqinni yutib, havodagi changni ham ushlab qoladi. Bargi yirik, bargining yuzasi tukli bo'lgan daraxtlar boshqalariga nisbatan 6 martaqacha ko'proq changni ushlab qola oladi. Shuningdek, yerdan 1,5 metr balandlikda qalin barglarga ega daraxtlar ancha balandda shoxlaydigan (8 metr) daraxtlarga nisbatan 8 barobar ko'proq changni ushlab qoladi. Shuningdek, daraxtlar fitonsidlar ishlab chiqarib, ular bakteriyalarga qarshi ta'sir qiladi. Shu bois yil sayin yurtimiz-

da daraxt ko'chatlari ekishga qaratilgan "Yashil makon" umummilliy loyihasiga alohida ahamiyat qaratilmoqda. "Yashil makon" umummilliy loyihasi doirasida viloyatimizda joriy yil bahor mavsumida 10 million 208 ming tup mevali va manzarali, buta ko'chatlarini ekish bo'yicha aniq manzilli dastur ishlab chiqilgan. Viloyatdagi 66 ta korxona-tashkilot, idora tomonidan sug'orish tizimlari tashkil qilingan holda 925 ming tup ko'chatni o'z vaqtida va aniq manzilda ekish ishlari olib borilmoqda. O'rmonchilik xo'jaliklari subyektlari va bog'bonlarimiz tomonidan mavsum uchun zarur bo'ladigan ko'chatlar tayyorlab qo'yilgan.



Bir jumlada

Jomboy tumanidagi
"Bog'bon" agrolaboratoriyasida zaytun plantatsiyalarini ko'paytirish loyihasiga ko'ra, ushbu o'simlikning 100 ming tupdan ortiq "Orbikina" navni ko'chatlari tayyorlandi.

Ishtixon tumanining
Chinortepa mahallasi fuqarolari hashar uyushtirib, mahalla qabristoni atrofiga 100 tupdan ziyod archa ko'chatlari ekishdi.

Kattaqo'rg'on tumanida
hokimi Jamshid Nasriddinov va Xitoyning "JIAJI IMPORT END EXPORT" Co Ltd kompaniyasi rahbari Wang Xiangwu uchrashuvda tumanida 35 million dollarlik logistika markazini tashkil etish bo'yicha kelishuvga erishildi.

Qo'shrabot tumanida
yilning o'tgan ikki oy davomida 21,3 kilometr elektr uzatish tarmog'i yangilanib, 6 ta transformator punktlari mukammal ta'mirlangan.

Narpay tumanida
gi 59-umumiy o'rta ta'lim maktabining qariyb 2 sotixli hovuzida 40 mingdan ortiq Afrika laqqa balig'i parvarishlanmoqda.

Urgut tumani hokimligi
hamda tashabbuskor tadbirkorlar tomonidan boquvchisini yo'qotgan, kam ta'minlangan oilalarning 49 nafar farzandining xatna hamda A.Rahmonov va B.G'aniyevaning nikoh to'ylari o'tkazib berildi.

"Afrosiyob" da yangi ekspozitsiya

"Afrosiyob" muzeyi O'zbekiston Madaniy meros agentligi va Koreya Respublikasi Madaniy meros administratsiyasi hamkorligida restavratsiya qilindi. Shu munosabat bilan muzey yangi ekspozitsiyasining taqdimoti o'tkazildi.

Unda Madaniy meros agentligi raisining birinchi o'rinbosari, professor Tursunali Qo'ziyev, Koreya Respublikasining O'zbekistondagi elchixonasi bosh konsuli Kuk Jang Hyun, Koreya Respublikasi Madaniy meros administratsiyasi madaniy merosdan foydalanish boshqarmasi boshlig'i Chae Su He, viloyat hokimi o'rinbosari R.Qobilov hamda soha mutaxassislari ishtirok etdi.

Tadbirda Koreya Respublikasi Madaniy

meros administratsiyasi va O'zbekiston Madaniy meros agentligi o'rtasida "Ipak yo'li madaniy merosini tadqiq etish va saqlash"ga doir memorandum imzolangani, loyiha Ipak yo'li madaniy merosining saqlanishi va tadqiq etilishi bo'yicha ma'lumot hamda ko'nikma almashinuvi, shuningdek, arxeologik tadqiqotlar orqali turizmni rivojlantirishga yo'naltirilgani ta'kidlandi.

- "Afrosiyob" devoriy suratlarida bun-



dan 1400 yil avval diplomatik missiya bilan Koreya yarim orolidan Samarqandga kelgan elchilar - Koreya diplomatlarining tasvirlanishi kishida alohida his-tuyg'u uyg'otadi, - deydi Kuk Jang Hyun. - Ikki davlat rahbarlarining 2019-yildagi kelishuviga asosan 2020-yildan buyon ikki marta Koreya Respublikasi hukumati tomonidan "Afrosiyob" muzeyini restavratsiya qilish loyihasi hamda Samarqanddagi arxeologik qoldiqlarni qazish va merosni asrash bo'yicha amaliy ishlar qilindi. Xususan, 1970-yil Samarqandning timsoli bo'lgan 1990-yilda qurilgan ushbu muzeyning ko'rgazma zallari 50 yil ichida birinchi marta restavratsiya qilindi.

Muzeydagi eksponatlar nafaqat ikki davlat tarixiy ramzi, balki insoniyatning umumiy madaniy merosidir. Bu ishga 290 ming AQSH dollari sarflandi.

Muzeyning birinchi qavati ekspozitsiyasi zamonaviy texnologiyalar bilan jihozlandi, ko'rgazmalar zali, videozal va yo'laklar yangilandi. Ikkinchi qavatning shifti va tomi ham qayta ta'mirlandi.

Tadbirda muzeyni yangi ko'rinishga keltirishda hissa qo'shgan ikki davlat soha mas'ullariga esdalik sovg'alari topshirildi va muzeydagi eksponatlar ko'rgazmasi tomosha qililib, milliy raqslar ijro etildi.

Fazliddin RO'ZIBOYEV.





OHALIK, OQBO'YRA, MIRONQUL

turistik maskan bo'ladi

Davlatimiz rahbarining shu yilning 6-fevral kuni qabul qilingan qaroriga ko'ra, Samarqand tumanida umumiy maydoni 4656 gektar bo'lgan "Ohalik – Oqbo'yra – Mironqul" turistik-rekreatsioon zonasi tashkil etildi. Turistik zonani rivojlantirish va boshqarish maqsadida tuman hokimligi huzurida davlat muassasasi shaklida "Ohalik – Oqbo'yra – Mironqul" turistik-rekreatsioon zonasi direksiyasi faoliyati yo'lga qo'yildi.

– Mazkur turistik maskanni tashkil etishdan ko'zlangan maqsad – viloyatimizning turizm salohiyatidan samarali foydalanish holda turizmning eko hamda ekstremal turlarini rivojlantirish uchun zarur shart-sharoit yaratish, zamonaviy talablar asosida ekologik tez quriladigan joylashtirish vositalari, savdo-ko'ngilochar va boshqa turizm infratuzilmasi obyektlarini barpo etish, shuningdek, tog'li hududda yangi ish o'rinlari ochish hisoblanadi, – deydi viloyat hokimi o'rinbosari Rustam Qobilov. – Bu maqsad uchun aynan ushbu mahallalar tanlanishi bejiz emas. Chunki tog'li hududda joylashgan bu hududlar go'zal tabiati, musaffo havosi bilan boshqa joylardan ajralib turadi. Yozda salqin bo'lgani bois avvaldan bu yerda bir nechta bolalar oromgohlari qurilgan. Qishloqlardan oqib o'tadigan soy bo'yida, aholi tomonidan dam olish maskanlari tashkil etilgan. Keyingi yillarda tadbirkorlik subyektlari ham bir qator shunday inshootlar tashkil etdi. Ammo shu paytgacha hududda aniq bir yo'nalish bo'yicha sayyohlikni rivojlantirish uchun dastur yoki yo'l xaritasi yo'q edi. Endi esa bunday imkoniyat yaratildi.

Qarorga ko'ra, hududda umumiy maydoni 1697 gektar bo'lgan "Ohalik", 414 gektardan iborat "Oqbo'yra" hamda 2545 gektarda "Mironqul" tog' turizmi loyihalari amalga oshiriladi. 2024-2025-yillarda tashkil etiladigan turizm va xizmat ko'rsatish sohasi obyektlarini qurish uchun mahalliy va xorijiy investorlar jalb etiladi. Maskan hududida zamonaviy savdo, xizmat ko'rsatish obyektlari (restoranlar, ko'ngilochar markazlar va boshqalar) faoliyati tashkil qilinadi, madaniyat va san'at muassasalari faoliyati qo'llab-quvvatlanadi.

2025-2026-yillarda turistik-rekreatsioon zona va unga olib boruvchi yo'l-transport, muhandislik-kommunikatsiya va ishlab chiqarish infratuzilmasini rivojlantirish uchun respublika budjetidan 31 milliard 81 million so'm, mahalliy budjetdan esa 8 milliard 900 million so'm sarflanishi rejalashtirilgan.

Shuningdek, yo'l infratuzilmasini qayta qurish, joriy va mukammal ta'mirlashga viloyat mahalliy budjetidan 14 milliard 700 million so'm yo'naltiriladi. Bundan tashqari, respublika budjeti mablag'lari hisobidan elektr energiyasi tarmoqlarini qurish va ta'mirlash, ichimlik suv va oqova tarmoqlarini qurish, qayta qurish va modernizatsiya qilish hamda aholini uzluksiz ichimlik suv bilan ta'minlash ishlari bajariladi. "O'zbektelekom" aksiyadorlik kompaniyasi esa axborot kommunikatsiya-texnologiyalarini

rivojlantirishga 97,4 million so'm sarflashi belgilangan.

Qarorda bir oy muddatda "Ohalik – Oqbo'yra – Mironqul" turistik rekratsion zonasi faoliyatini tashkil etish, joriy yilning 1-avgustiga qadar zonaning master rejasini ishlab chiqish va talab etiladigan yer maydonlari toifasini o'zgartirish bo'yicha takliflarni hukumat komissiyasiga kiritish, zona hududida ichki ishlar boshqarmasining xavfsiz turizmni ta'minlash bo'limini tashkil etish va boshqa vazifalar bo'yicha chora-tadbirlar belgilangan. Ayni paytda bu borada ishlar olib borilmoqda.

– Qarorda belgilangan vazifalar, chora-tadbirlarni o'z vaqtida amalga oshirish masalasi o'tgan hafta viloyat hokimi rahbarligida muhokama qilindi, – deydi "Ohalik – Oqbo'yra – Mironqul" turistik-rekreatsioon zonasi direksiyasi rahbari vazifasini bajaruvchi Jo'rabek Suyunov. – Viloyat va tuman bilan bog'liq masalalarga mas'ullar belgilandi. Aslida, chora-tadbirlar dasturida barcha vazifalar aniq muddati va mas'uli bilan ko'rsatilgan, gap ularning ijrosini ta'minlashda. Yig'ilishda Samarqand tumani hokimligi tomonidan ayrim loyihalar takliflari taqdimot qilindi. Umuman, hozirda jami 73 million dollarlik birlamchi 130 ta loyiha mavjud. Bundan tashqari, hududda shu paytgacha amalga oshirilayotgan loyihalar bor, ularni renovatsiya qilish ko'zda tutilgan.

Misol uchun, uzunligi 6 kilometr bo'lgan 3 ta to'xtash stansiyasidan iborat osma-dor (kanat) yo'li tashkil etish loyihasi taklif etilmoqda. 110 ming sayyohni qabul qilish imkoniyatiga ega modulli mehmonxonalar, kempinglar, ekouylar, dam olish maskanlari, eko bog' va cho'milish havzalari tashkil etishga oid 40 ta loyiha ishlab chiqilgan.

Ayni paytda mahallalarda xatlov jarayonlari ketmoqda. Hududda 15 mingga yaqin aholi yashaydi, 6000 turarjoy bor. Bundan tashqari, servis va xizmat ko'rsatish obyektlari mavjud. Har bir xonadon, har bir qurilma xatlovdan o'tkazilib, ma'lumotlar jamlanmoqda. 1-mayga qadar Ohalik, Oqbo'yra va Mironquddagi 4656 yer maydoni belgilangan tartibda direksiya hisobiga o'tkazilishi kerak.

Shuningdek, infratuzilma o'rganilyapti, qayerda qaysi vazifani bajarish kerakligi belgilab olinmoqda. Oy yakunida zona master rejasini ishlab chiqish uchun ishchi guruh keladi, ungacha asosiy ma'lumotlarni to'plab olishimiz zarur.

G'.HASANOV.

Bundan bir necha yil avval ayrim kollejlarda faoliyati tugatilib, o'rnida texnikumlar tashkil etilgandi. Mazkur ta'lim muassasalarini muvaffaqiyatli tamomlagan bitiruvchilar oliy ta'lim muassasalariga suhbat asosida qabul qilinib, ahamiyatli, o'qishni ikkinchi bosqichdan davom etirishi mumkin ekan, degan xabarlar tarqaldi. Hatto hukumat qarori qabul qilingan bo'lsa-da, bunga kimdir ishonadi, kimdir ishonmadi.

2020-yilda viloyat markazidan 150 kilometr uzoqlikda joylashgan qishloqdan oliy ta'lim muassasasi talabasi bo'lish istagida shaharga kelgan Nurxon Xoldorovanning orzusi amalga oshmadi. Ammo u umidini so'ndirmadi.

– O'shanda Samarqand davlat universitetining kimyo fakultetiga o'qishga topshirib, kirolmagandim, – deydi u. – Keyin universitet qoshidagi Gulobod agrobiotexnologiyalar texnikumi ochilgani, agar shu ta'lim muassasasini a'lo baholarga bitirsam, suhbat asosida oliy o'quv yurtiga ikkinchi bosqichdan qabul qilinishim mumkinligi haqida xabarni eshitdim. Avval ikkilandim, keyin takvakkal qilib, shu texnikumga hujjat topshirdim va imtihondan muvaffaqiyatli o'tib, o'qishga qabul qilindim. Bu yerda agrokimyo yo'nalishida nazariy va amaliy darslarda faol ishtirok etishga harakat qildim. Shu orada texnikum bitiruvchilarini oliy ta'lim muassasasiga suhbat asosida o'qishga qabul qilish tartibi bekor qilingayotganligini eshitib, hafsalam pir bo'ldi, ammo baribir umidimni uzmadim.

Nurxon 2022-yilda texnikumni bitirib, ustozlari tavsiyasi bilan suhbat asosida oliy o'quv yurtiga o'qishga kirish uchun hujjat topshirdi.

– Imtihonda berilgan savollar murakkab edi, – deydi N.Xoldorova. – Ammo o'qigan abituriyent uchun bu qiyinchilik tug'dirmasdi. Xullas, suhbatdan muvaffaqiyatli o'tdim. Samarqand davlat universiteti tarkibidagi agrobiotexnologiyalar va oziq-ovqat xavfsizligi institutida ikkinchi bosqichdan o'qishni davom ettira boshladim.

Ma'lumotlarga ko'ra, 2022-yilda viloyatdagi mavjud texnikumlarni tamomlagan bitiruvchilarning 346

Bitiruvchilar nima bilan band?



nafari, 2023-yilda esa 591 nafar o'qishni oliy ta'lim muassasalarida ikkinchi bosqichdan davom ettirish imkoniyatini qo'lga kiritdi.

– Muassasamizda ta'lim olayotgan yoshlar uchun juda keng imkoniyatlar yaratilgan, – deydi Samarqand turizm va madaniy meros texnikumi direktori o'rinbosari Roziq Fayziyev. – Avvalo, o'quvchilari-miz ikkinchi bosqichdanoq amaliyot o'tayotgan korxona va tashkilotlarga ishga joylashyapti. Shuningdek, xalqaro aloqalarimiz ham kengayib boryapti. Masalan, o'quvchilari-miz yozgi ta'til paytida Bulgariyaning Varna shahridagi mehmonxonalarda amaliyot o'tab qaytdi. Buning uchun ketgan xarajatlar biz hamkorlik qilayotgan shu davlatning "Smart tur" kompaniyasi tomonidan qoplanayapti. Ahamiyatli, o'quvchilari-miz u yerdagi amaliyot o'tash jarayonida qilgan mehnatlari uchun 400-500 yevro maosh bilan ham ta'minlandi. O'tgan o'quv yilida texnikumning kunduzgi yo'nalishini tamomlagan 89 bitiruvchining 23 nafari o'qishni oliy ta'lim muassasalarida ikkinchi bosqichdan davom ettirishga muvaffaq bo'ldi.

– Ayrim oliy ta'lim muassasalarida dual ta'lim yo'nalishida tahsil olayotgan talabalarga havas qilardim, – deydi texnikumning ikkinchi bosqich talabasi Mohinbonu Toshpo'latova. – Sababi, ular o'qish davomida xorijiy davlatlarda ham bo'lib qaytardi. Avvaliga, oliy ta'lim muassasasiga o'qishga kirish orzuim ushalmaganligi sababli xorijiy davlatga borish xayolimga ham kelmasdi. Texnikumda ham dual ta'lim yo'nalishi mavjudligi va biz yozgi ta'til paytida Qora dengiz bo'yidagi shaharda uch oy amaliyot

o'tadik.

Bugungi kunda viloyatda 73 ta professional ta'lim muassasalari faoliyat yuritib kelmoqda. Bular 37 ta kasb-hunar maktablari, 14 ta kollej va 22 ta texnikumlardir. Bu ta'lim muassasalarida 162 ta kasb va mutaxassislilar bo'yicha 48 ming 706 nafar o'quvchiga 3181 nafar pedagog va ta'lim ustalari kasb-hunar sirlarini o'rgatib kelyapti.

– Kollejlarda o'rnida tashkil etilgan muassasalarning har bir bitiruvchisi bandligi ta'minlanishiga alohida e'tibor qaratilyapti, – deydi viloyat oliy ta'lim, fan va innovatsiyalar boshqarmasi boshlig'i Alisher Norboyev. – Bugungi kunda professional ta'lim muassasalarida ta'lim olayotgan 19 ming 69 nafar o'quvchi 3079 ta korxona va tashkilotlarga manzilli birlashtirilgan, ular bilan ishlab chiqarish amaliyotlarini tashkil etish bo'yicha hamkorlik shartnomalari imzolangan. O'quvchilar korxona va tashkilotlarda ham kasb-hunar o'rganib, ham ish haqi olaypti. Viloyatdagi 15 ta professional ta'lim muassasasi bilan 16 ta yirik ish beruvchi korxona va tashkilotlar o'rtasida hamkorlik yo'lga qo'yilgan.

4 ta jamoat salomatligi texnikumlari 2023-yilning aprel oyidan boshlab nemis tiliga o'qitish kurslari tashkil etilgan. Ularda 78 nafar yosh til o'rganib kelmoqda.

2022-2023-o'quv yilida professional ta'lim muassasalarini bitirgan jami 19 mingdan ziyod yigit-qizlarning 17 ming 87 nafarining bandligi ta'minlangan. 1584 nafar bitiruvchi oliy ta'lim muassasalariga o'qishga kirgan.

To'liq SIDDIQOV.

Ramazon tuhfasi

Bolalar ishtirokida iftorlik

Samarqand shahridagi O'zbekkent mahallasida joylashgan "Kelajak vorislari" nomli oilaviy bolalar muruvvat uyida iftorlik dasturxonini yozildi.



– Mag'firat va rahmat oyining fazilati beqiyos, – deydi viloyat bosh imom-xatibi Zayniddin Eshonqulov. – Shunday qutlug' kunlarda yordamga muhtojlar holidan xabar olish, ularga ko'mak ko'rsatish xayrlidir. Bugun oilaviy bolalar uyi tarbiyalanuvchilarning qalbida xursandchilik va baxtiyorlik hisini uyg'otish maqsadida ular bilan diydorlashdik, ko'ngillariga ko'tarikilik bag'ishlashga harakat qildik. Bu o'g'il-qizlarimiz kelajakda Vatanimizga, xalqimizga va dinimizga sadoqat bilan xizmat qiladigan insonlar bo'lib yetishishlariga ishonamiz. Yaratgan ularga madadkor bo'lsin!

Bu yerda tarbiyalanayotgan, taqdir taqozosi bilan ota-ona qaramog'idan mahrum bo'lgan 20 nafarga yaqin bolalarga Ramazon tuhfalari ulashildi. Tarbiyalanuvchilarning avvaldan bildirgan istaklariga binoan ularga televizor sovg'a qilindi.

Bu kabi xayrli tadbirlar viloyatning barcha shahar va tumanlarida, mahallalarda tashkil etilmoqda. Negironligi bo'lgan, kam ta'minlangan, bemor, boquvchisini yo'qotgan va boshqa ehtiyojmandlar holidan xabar olinayapti. Ularga imom-xatiblar tomonidan Ramazon hadyalari ulashilmoqda.

T.NARZULLAYEV.

Suhrob Murodov 2004-yil Bulung'ur tumanida tugilgan. Samarqand shahridagi 43-IDUMda tahsil olgan. 17 yoshida O'zbekistonda birinchi bo'lib S2 sertifikatiga ega bo'lgan. Bu IELTSda 9 ball degani. U yaqinda IELTS imtihonidan maksimal balni qo'lga kiritgan eng yosh (19 yosh) o'zbekistonlikka ham aylandi.

– Yutuqlarimda oilamning his-sasi katta, ayniqsa, otam yoshligimdan menga ustozlik kilib, o'qishim uchun barcha sharoitni yaratib berganlar, – deydi Suhrob. Ingliz tilini o'rganishga o'zimning ham qiziqishim yuqori edi va xorij kinolarini ko'rib, musiqalarini eshitib, boshlang'ich ta'limni mustaqil o'rganishga harakat qilardim. O'rganganlarimni dadam bilan birgalikda muhokama qilardik, suhbatlashardik.

Keyinchalik ustozim xalqaro ekspert Muhammadxon Soliyev yordami bilan O'zbekistonda birinchi bo'lib CEFR tizimida S2 sertifikatini oldim. Bu sertifikat IELTS bilan taqqoslanganda 9 balga teng keladi. S2 sertifikati nufuzli Kembrij

Suhrob IELTSdan 9 BALL TO'PLADI



universiteti tomonidan 2004-yildan joriy qilingan bo'lib, dunyoning 50 dan ortiq davlatida ommalashgan. S2 ingliz tilini o'zlashtirish darajasining eng yuqorisi. Hali O'zbekistonda mening yoshimda bu sertifikatni boshqa hech kim qo'lga kiritmagan.

Ustozim Muhammadxon Soliyev ham birinчилardan bo'lib bu sertifikatga ega bo'lgan.

IELTS imtihonidan 9 ball olish qiyindek ko'rinishi mumkin, lekin xozirgi kunda yurtimizda xorijiy tillar, jumladan, ingliz tilini o'rganish-

ga berilayotgan e'tibor biz kabi yoshlarning til o'rganishga ishtiyoqimizni oshirib, yuqori maralarga boshlamoqda. 2021-yilda Prezidentimiz tashabbusi bilan yoshlar forumi doirasida o'tkazilgan "Poliglot" musobaqasida respublikaning 14 ta hududidan eng iqtidorli maktab o'quvchilari orasida g'oliblikni qo'lga kiritgandim. O'shanda davlatimiz rahbari bilan suhbatda yoshlarga yaratilgan bu imkoniyatlardan unumli foydalanib, yurtimning taraqqiy etishi uchun o'z hissamni qo'shishga va'da berganman.

Suhrob Murodov maktabni bitirgach, AQShdagi Janubiy Florida universitetida grant asosida talaba bo'ldi. U o'qishni tamomlagach, yetuk auditor bo'lmoqchi.

– Moliya, buxgalteriya sohasiga yoshligimdan qiziqaman va o'qishni tugatib, auditor bo'lmoqchiman, deydi u. – Xorijda qolish niyatim yo'q, shu Vatanda tug'ilib o'sdim, bilim oldim va Vatanim oldida o'zimni qarzidor hisoblayman. Barcha bilimlarimni yurtimiz ravnagi uchun ishlataman. Yurtimizda yoshlarning bilim olishi, kasb-hunar egallashi, til o'rganishi uchun barcha sharoitlar yaratilgan. Bundan faqat samarali foydalanish kerak.

Fazliddin RO'ZIBOYEV.

Bugun dunyo hayoti o'ta beqarorlikda davom etmoqda. Kecha aytilgan gap bugunga, bugungisi ertaga to'g'ri kelmay qolyapti. Ammo oxirgi haftada ro'y bergan voqealar dunyoning siyosiy qiyofasiga birmuncha oydinlik kiritdi. AQSHda bo'lib o'tgan saylovoldi praymarezlarida respublikachi nomzod Donald Tramp va amaldagi prezident Jozef Baydenning qo'li ustun kelayotgani, Amerika oliy sudining Trampni prezidentlikka nomzod sifatida saylovda qatnashishga huquqi borligi haqida qaror chiqarganligi vaziyatni tubdan o'zgartirib yubordi. Bu esa AQSHda shu yil kuzda kutilayotgan prezidentlik saylovlarning o'ta qizg'in va murosasiz o'tishidan darak beradi.

Tramp avvaldan Amerikani tashqi dunyodan ihtolash siyosatini yurgizib keladi. Chunki respublikachilar partiyasi tarixan amerikaliklarning sarmoyador qatlami manfaatlarini himoya qilgan. Bundan tashqari, bu partiya ko'proq oq tanli aholi manfaatlarini ifodalashga moyilroq konservativ qarashlarni yoqlaydi. AQSHda demokratik qadriyatlarining kuchayishi asnosida bu partiya keyingi davrlarda muhojirlar, ayniqsa, "nolegal" muhojirlar oqimi yo'lini to'sish uchun qattiq sa'y-harakat qilmoqda. Ular hatto janub tomondagi chegaralarni mutlaq yopib tashlashni talab qilayotir. Bunga asosiy vaj sifatida chegaralardan qochqinlar bilan birga terroristlar ham mamlakatga bemalol kirib kelayotganini iddao qilishmoqda. Lekin muammo faqat shundagina iborat bo'lganida, amerikaliklar uchun jiddiy ahamiyat kasb etmasdi. AQSH va u boshliq G'arb dunyosi uchun hal qilinishi lozim bo'lgan eng murakkab masala Ukrainadagi urush bo'lib turibdi. Agar ushbu janglarda Rossiyaning qo'li baland kelsa, bu butun G'arb dunyosining tanazzulga yuz tutganini anglatishi hech kimga sir bo'lmay qoldi.

Ushbu holatga o'xshagan vaziyat bir vaqtlar jahon tarixida yuz berganini siyosiy ekspertlar shu kunlarda tez-tez eslamog'na. O'tgan asrning 30-yillarida G'arb mamlakatlarning rahbarlari diktator Adolf Hitler bilan murosasozlik

Garovga tikilgan hayot



o'yinini olib borib, oxiri dunyoni Ikkinchi jahon urushiga yetaklagan edi. O'shanda Uinston Cherkil: "Urushdan qo'rqib, sharmandali murosas yo'lini tanlaganlar ham urushga, ham sharmandalikka ro'baro' bo'ladi", deya ogohlantirgandi. Darhaqiqat, keyingi voqealar uning yuz foiz haq bo'lganligini ko'rsatdi. Hitlerdan qo'rqib, murosas qilishga uringan barcha mamlakatlar urush girdobiga tortildi. O'zini birmuncha betaraf tutgan AQSH ham Pirl-Harbordagi mash'um voqealardan so'ng aksilhitlerchi ittifoq saflariga qo'shilishga majbur bo'lgandi.

Bugungi kunlarda ham shu paytgacha ko'p mamlakatlar rahbarlari Rossiyaning qo'shni davlatlarga nisbatan olib borayotgan agressiv bosqinchilik siyosatiga ko'z yumib, u bilan murosasai madora siyosatini yurgizib keldi. Rossiyaning 2008-yilda Gruziyaga, 2014-yilda Qrim, Donetsk, Lugansk viloyatlariga, 2015-yilda Suriyaga nisbatan olib borgan tajovuzkorona harbiy harakatlariga munosib javob berilmadi. Oqibat shu bo'ldiki, 2022-yil 24-fevral kuni Rossiya Ukrainaga qarshi urush ochdi.

Keyingi vaqtlarda ma'lum bo'ldiki, bu harakatlar faqat Ukraina bilan cheklanib qolmoqchi emas. Maqsad avvalo, rus imperiyasining eski sarhadlarini qayta tiklash, qolaversa, raqib – G'arb dunyosini ich-ichidan yemirib, parchalab tashlashdan iborat.

G'arb mamlakatlari rahbarlari Moskvaning ushbu makkorona niyatini dastlab payqamadi va bunga yetarli e'tibor ham bermadi. Chunki ularda Putin Rossiyani erkin

huquqiy-demokratik mamlakatga aylantiradi, degan umid hali so'nma-gan edi. Buning ustiga, Rossiyaning arzon tabiiy xomashyolarini xarid qilayotgan sarmoyadorlarning ko'zi iqtisodiy foydadan boshqa tomonni ko'rmay qo'ydi. Bundan unumli foydalangan Kreml KGBchilari G'arb mamlakatlari iqtisodiyotini o'rgimchak pashshani ipi bilan o'ragandek chirmab oldilar. Hatto AQSHdek yirik qudratli davlat ham qaysidir ma'noda rus sanoat xomashyolariga qaram bo'lib qoldi. Ayniqsa, Germaniya va Fransiya rus nefti va gaziga shu qadar bog'lanib qoldiki, keyingi davrda Moskva bu resurslaridan energetik qurol sifatida foydalana boshladi. Bu ikki mamlakat Kremlning qosh-qovog'iga qarab qadam bosadigan bo'ldi. Ular beparvolikka berilib, harbiy salohiyatini ham zaiflashtirib qo'ydi. Oqibatda NATO a'zolari tashkilot hisobiga o'tkaziladigan ikki foizli badallarni to'lamay qo'yishdi. Bu esa tabiiyki, Moskva ma'murlari uchun ayni mud-dao edi. Globalizm tamoyillari kundan kunga keng yoyilib borayotgan jahon iqtisodiyoti uchun bu holat g'oyat ko'ngildagidek me'yor bo'lsa-da, rus ma'murlari undan ustalik bilan foydalanib qolishga tirishdilar. Bu orada rus-ukrain urushi boshlanib, yuzlarda-gi so'nggi niqoblarni ham sidirib tashladi. Qanchalik jozibali iddaolar bilan xaspo'shlanmasin, Rossiya olib borayotgan maxsus harbiy amaliyot uzoq o'tmishdan sarqit bo'lib qolgan oddiy kolonial bosqinchilik urushidan boshqa narsa emasligi ayon bo'lib qoldi. Ukrainaning bir necha oblastla-

rining konstitutsiyaga kiritilib, Rossiya federatsiyasiga qo'shib olinishi buni yaqqol tasdiqladi. Ana shundan keyin yevropalik siyosatdonlarning ko'zlari moshdek ochilib, Kremlning uzoqni o'ylab olib borayotgan g'ibrid siyosati mohiyatini tamoman tushunib yetdilar.

Yevropa ittifoqining mudofaa va xavfsizlik siyosati bo'yicha oliy vakili Jozep Borrel yaqinda qilgan bayonotlaridan birida: "Yevropa ahli xavfli dunyoda yashayotganini anglab yetdi", deya ochiq tan oldi. Uning so'zlariga ko'ra, Ukrainadagi urush taqdiri yaqin orada hal qilinishi mumkin.

Bu borada Fransiya prezidenti-niing fikrlari yanada qat'iyroq bo'ldi. Emmanuyel Makron kelajakda Ros-siyaning urushda ustunlik qilishiga yo'l qo'ymaslik maqsadida Ukrainaga NATO qo'shinlarini kiritishni istis-no qilmadi. "La Mond" gazetasi-niing yozishicha, Makron Ukrainani qo'llab-quvvatlash uchun hech qanday chekllovlar va qizil chiziqlar yo'qligini ma'lum qilgan. Germaniya general-lari esa strategik harbiy inshootlarga nemis raketalari bilan zarba berishga hozirlanayotganlari beixtiyor oshkor bo'lib qoldi. Yana shunisi ham borki, agar AQSHda hokimiyat tepasiga Do-nald Tramp kelgudek bo'lsa, Ukraina armiyasiga zamonaviy qurollar yetkazib berilishi yanada tezlashishi mumkin-ligi aytilmoqda. Holbuki, Moskvaning kuzgi saylovlarda prezidentlikka Tramp kelishiga katta umid bog'layotgani sir bo'lmay qolgan edi. Bularning bar-chasi rossiyalik siyosatchilarni boshi berk ko'chaga kiritib qo'ydi. To'xtab orqaga qaytish - sharmandalik, olg'a yurishga esa imkon yo'q. Ana shu vaziyatda Moskva egallangan marralarda-gi chegaralarni mustahkamlamoqda. G'arbdagi tahlilchilarning fikriga ko'ra, Rossiya yana 8-10 yildan keyin jiddiy hujumga o'tish iqtidoriga ega bo'lishi mumkin. Shu yil 17-mart kuni bo'lib o'tadigan prezidentlik saylovidan keyin yana bir harbiy safarbarlik o'tkazilishi kutilmoqda. Bu o'z navbatida, Rossiya-da urushga qarshi kayfiyatlarni yanada kuchaytirishi mumkin.

Bir so'z bilan aytganda, hozir u yerda urush o'z hukmini o'tkazib, mamlakatni kundan kunga qonli domiga tortib bormoqda. Tashbeh bilan ayt-sak, rossiyaliklarning tinch hayotini la'nati urush tamoman garovga olib bo'ldi. Ularni urush garovga olgan bo'lsa, dunyo xalqlarini rus atom devi garovga olib turibdi.

Xudoyberdi KOMILOV,
siyosiy sharhlovchi.

Raqobatni rivojlantirish va iste'molchilar huquqlarini himoya qilish qo'mitasining viloyat hududiy boshqarmasi "O'zenergoinspeksiya" viloyat hududiy boshqarmasi bilan hamkorlikda yoqilg'i mahsulotla-rining sifatini o'rganish bo'yicha nazorat tadbirlarini o'tkazdi.

Benzin sifati nazorat qilinmoqda

Xususan, Samarqand tumanida joylashgan "KUTFI-BOBO" MChJ hamda "BOG'IZAG'ON ABDUGAFFOR" MChJ ga qarashli AYoQSh-lardan benzin mahsulotlari xarid qilinib, belgilangan tartibda tegishli laboratoriyaga taqdim etildi. Laboratoriya tahlillaridan ushbu xizmat ko'rsatuvchi shoxobchalardagi benzin mahsulotlari sifatsizligi aniqlangan.

O'rganishlarda "BOG'IZAG'ON ABDUGAF-FOR" MChJ tomonidan 2023-yilning birgina dekabr oyida Al-92 markali 800 litr sifatsiz avtobenzin sotilganligi, buning natijasida iste'molchilarga 2,2 million so'm zarar yetkazilganligi aniqlandi.

"KUTFI-BOBO" MChJ tomonidan esa foydalanishga yaroqsiz Al-95 markali 15493 litr benzin avtomashinalarga quyilgan bo'lib, bundan fuqarolar 38,7 million so'm ziyon ko'rishgan.

Aniqlangan holatlar yuzasidan hududiy boshqarma tomonidan tadbirkorlik subyektlariga qonunda belgilangan tartibda choralar qo'llaniladi.

Jahongir ASHUROV,
boshqarma boshlig'i o'rinbosari.

Bojxonachilar qon topshirdi

Viloyat qon quyish markazi jamoasi joylarda "Men donorman!" shiori ostida turli aksiyalar, viktorinalar, davra suhbatlari o'tkazmoqda.

Markaz shifokorlarining navbatdagi aksiyasi viloyat bojxona boshqarmasida o'tkazildi.

Aksiya davomida boshqarmaning 30 nafar xodimi ixtiyoriy ravishda beg'araz qon topshirdi.

A.JABBOROVA,
viloyat qon quyish markazi shifokori.

REKLAMA, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAAT UCHUN TELEFON: 66-233-91-56

TANLOVDA QATNASHING!

Jismoniy tarbiya va sport bo'yicha mutaxassislarni qayta tayyorlash va malakasini oshirish instituti Samarqand filiali quyidagi lavozimlarga tanlov e'lon qiladi:

Katta o'qituvchi lavozimiga: "Jismoniy tarbiya, sport nazariyasi va uslubiyati" kafedrasiga.

O'qituvchi lavozimiga: "Jismoniy tarbiya, sport nazariyasi va uslubiyati" kafedrasiga.

Tanlovda ishtirok etishni istaganlar quyidagi hujjatlarni taqdim etadilar:

Filial direktori nomiga ariza, yashash joyi ko'rsatilgan pasport nusxasi, kadrlarni qayd qilish shaxsiy varaqasi, oliy ma'lumoti haqidagi diplom nusxasi. Qatnashuvchilarda ilmiy daraja, ilmiy unvon, shuningdek, ilmiy ishlar va ixtirolar mavjud bo'lgan taqdirda ularga tegishli diplom-

lar, attestatlar nusxalarini, malaka oshirish haqidagi sertifikatlarni taqdim etishlari kerak.

Eslatma: Tanlovda ishtirok etish uchun arizalar e'lon chop etilgan kundan boshlab bir oy davomida qabul qilinadi.

Manzil: Samarqand shahri Cho'pon ota ko'chasi, 13-"A" uy.
Telefonlar: +99866-236-21-28, +99893-357-74-95.
Elektron manzil: samfilial@exat.uz
FILIAL MA'MURIYATI.

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Maxmudov Nematga (2021-yil 6-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Qurbonov Rustam Rahimqulovich notarial idorasida marhum Djabarov Gafar Djaxongirovichga (2023-yil 13-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qurbonov Rustam Rahimqulovich notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 41/100-uy.

Payariq tumanida xususiy amaliyot bilan shug'ullanuvchi notarius Toshtemirov Alisher Po'latovich notarial idorasida marhum

Ubaydullayev Kamolga (2018-yil 6-sentabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Toshtemirov Alisher Po'latovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Obod ko'chasi, 35-uy, 3-xona.

Samarqand shahrida xususiy amaliyot bilan shug'ullanuvchi notarius Narzullayeva Lola Shukurullayevna notarial idorasida marhum Negmatov Asatulloaga (2013-yil 28-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Narzullayeva Lola Shukurullayevna notarial idorasiga murojaat etishlarini so'raymiz.

Manzil: Samarqand shahri Nodirabegim ko'chasi, 5/1-uy.

Samarqand tumanida xususiy amaliyot bilan shug'ullanuvchi notarius Davronov Mahmud Hasan o'g'li notarial idorasida marhum Sadikov Raxmon Asrorovichga (2023-yil 14-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning

Davronov Mahmud Hasan o'g'li notarial idorasiga murojaat etishlarini so'raymiz.

Manzil: Samarqand tumani Oqmachit mahallasi, Bag'rikenglik ko'chasi, 4-uy.

Samarqand shahrida xususiy amaliyot bilan shug'ullanuvchi notarius Rahmonov Sarvar Ne'matillovich notarial idorasida marhum Xamdov Rabbimkulga (1999-yil 9-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahmonov Sarvar Ne'matillovich notarial idorasiga murojaat etishlarini so'raymiz.

Manzil: Samarqand shahri Gagarin ko'chasi, 60-uy.

Jomboy tumanida xususiy amaliyot bilan shug'ullanuvchi notarius Mirzayeva Barno Jo'raqulovna notarial idorasida marhum Abduvoxidov Baxtiyor Abduvoxidovichga (2019-yil 11-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mirzayeva Barno Jo'raqulovna notarial idorasiga murojaat etishlarini so'raymiz.

Manzil: Jomboy tumani Zebuniso ko'chasi, 4-"A" uy.

ICHIMLIK SUVI NARXI O'ZGARMOQDA!

O'zbekiston Respublikasining 2023-yil 28-dekabrda "Soliq va budget siyosatining 2024-yilga mo'ljallangan asosiy yo'nalishlari qabul qilinganligi munosabati bilan O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida"gi O'RQ-891-son Qonuniga (4-moddasining 16-band va 7-moddasining 2-qismiga) asosan 2024-yil 1-apreldan boshlab aholiga ko'rsatiladigan ichimlik suvi ta'minoti va oqova suvlarni chiqarish xizmatlari uchun soliqning nol stavkasi bekor qilindi.

Shu munosabat bilan Samarqand viloyatida aholi uchun ilgari tasdiqlangan tariflar qo'shilgan qiymat solig'ini (QQS) hisobga olgan holda kuchga kiradi:

1 m³ ichimlik suvi uchun - 2800 so'm (QQS bilan)
1 m³ oqova suvi uchun - 1792 so'm (QQS bilan)

Yangi tariflar kuchga kirishi munosabati bilan aholidan suv ta'minoti va kanalizatsiya xizmatlari bo'yicha mavjud qarzdorlikni 2024-yil 1-aprelgacha to'liq to'lashlarini so'raymiz.

"SAMARQAND SUV TA'MINOTI" AKSIYADORLIK JAMIYATI.

Payariq tumanida xususiy amaliyot bilan shug'ullanuvchi notarius Toshtemirov Alisher Po'latovich notarial idorasida marhum Islomov Xotam Usmanovichga (2020-yil 13-iyunda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Toshtemirov Alisher Po'latovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Obod ko'chasi, 35-uy, 3-xona.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Bagirova Mayram Axmadovna (2021-yil 24-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida mar-

hum Umurov Abduxatga (1989-yil 25-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

BEKOR QILINADI

Toshkent sotsial ta'minot texnikumidan 1991-yilda Baymuratov Ismatulla Nematovich nomiga berilgan ro'yxat raqami 312, MT 979291 raqamli diplom va uning ilovasi yaroqsiz holga kelganligi sababli bekor qilinadi.

Qo'shrabot tumanidagi mas'uliyati cheklangan jamiyat shaklidagi "OQTEPASOY" dehqon bozorining (STIR: 201770904) dumaloq muhri va burchak tamg'asi yo'qolganligi sababli bekor qilinadi.

Samarqand shahridagi "HUMO-SMM SAMARQAND" mas'uliyati cheklangan jamiyatining (STIR: 310101920) dumaloq muhri va burchak tamg'asi yo'qolganligi sababli bekor qilinadi.

Keksalar xotirjamlik istaydi

↓ *Mulohaza uchun mavzu*



Bu savolga barcha nuroniy shu javobni berishi tabiiy.

Odam qachon xotirjam bo'ladi? Tashvishi bo'lmasa, albatta. Lekin tashvishsiz kishi bormi dunyoda? Yo'q! Agar tashvishni yaxshi va yomonga ajratsak, ya'ni to'y va shunga o'xshash marosim va tadbirlarni yaxshi tashvish deb aytadigan bo'lsak, kishida g'amga solib qo'yadigan tashvishli holatlar bo'lmasa, u xotirjamdir. Demak, xotirjamlik insonning noxush holatda bo'lmay yashashi. Tashvish kelmasligi uchun esa uning oldini olish kerak. Qanday? O'qib-o'rganib, ya'ni o'tmish tajribasiga tayanib, oqilona hayot kechirish. Xuddi qishda sovqotmaslik uchun yozda o'tin jamg'argan kabi.

Keksalar nima qiladi?

Pensiyasini kutib yashaydi. Bu ham to'g'ri. Keksalar ish bilan band bo'lmagan aholi toifasiga kiradi. Bu ularning hech narsa qilmaydi degani emas. Ular doimo nima bilandir mashg'ul. Kimdir kitob o'qib o'zini ovutadi, boshqasi tomorqada timirskilanadi. Aniq bir nima bilan shug'ullanadiganlari oz. Aksariyat qariyalar farzandlari va nevaralari bilan istiqomat qiladi va oilaga foydasi tegishini istaydi. Buni qanday bajarish mumkin? Eng oson yo'li, vaqtini nevaralarining ta'lim-tarbiyasiga bag'ishlash. Ota-ona ish bilan band bo'lgani uchun farzandiga yetarli e'tibor berolmasligi mumkin. Lekin oilaning keksa a'zosiida bu borada muammo yo'q. Masalan, nevarasi maktabdan qaytganda uni kutib olishi hech qanday qiyinchilik tug'dirmaydi. Lekin ular shu ishni qilishyaptimi? Nevarya o'qishdan qaytsa, uyda bo'lgan keksa kishi uning kelganini ko'radi. Agar oilaning keksa a'zosi maktabdan kelgan nevarasining yarim soat maktabdagi o'qishi bilan qiziqishni odat qilsa, nevarasiga, uning ota-onasiga, umuman, o'z oilasi, eng asosiysi, jamiyatga katta foyda keltirgan bo'ladi. Yarim soat bola bilan shug'ullanish uning maktabga va o'qishga nisbatan bo'lgan munosabatini tubdan o'zgartiradi. Har kuni undan qanday dars o'tilgani, nimani o'rgangani va o'rganganlarini aytib berishini so'rash bolani maqtov so'zlar bilan rag'batlantirish, unda o'qish-o'rganishga bo'lgan mas'uliyatni oshiradi. Endi u uyda nimani o'qiganini so'rashlarini bilib, o'qituvchisi o'tayotgan darsni diqqat bilan tinglaydigan bo'ladi.

Yaqinda keksa otaxon yoshlar kattalarga salom bermayotgani haqida nolib qoldi. Undan maktabda o'qiydigan nevarasi bor yoki yo'qligini so'radim. Yuqori sinfda o'qiydigan nevarasi bor ekan.

- Sizga salom beradimi?

- Albatta, - dedi u savolimdan ajablanib.

- Undan ko'chada yurganda begona qariyalarga salom beradimi yoki yo'q, shuni so'rang-chi, nima deb javob berarkan, dedim.

Aslida bolalarning yoshi kattalarga salom bermayotganiga ular aybdor emas, aksincha, bunga salom berishmaganiga e'tiroz bildirgan, unga nasihat qilmagan kattalar aybdor. Shuning uchun ko'chada yurganda o'zidan yoshi kattalarga salom berishni bolaning qulog'iga muntazam quyib borish kerak. Toki katta yoshdagi kishini ko'rganda unga salom berish kerak, degan odobga amal qiladigan bo'lsin.

- Oxirgi marta nevarangiz bilan qachon ku-

tubxonaga borgansiz? - so'rayman otaxonidan.

- E, kutubxonaga vaqt qani? - deydi u qo'qqisidan bergan savolim malol kelganini yashirmay.

Haqiqatan, otaxonning vaqti bormi? Kun bo'yi u nima bilan band. Umuman, pensiyaga chiqqan keksa avlod vakillari vaqtini qanday o'tkazadi? Nahotki haftada bir bor nevarasini kutubxonaga olib borishga vaqt topolmasa? Bunga ko'p vaqt ketmaydi. Oshib borsa, ikki-uch soat. Yo'q, vaqti bor. Faqat bu ishni qilishga o'rganmagan. Chunki yoshligida uni oilasidagi kattalar kutubxonaga olib bormagan bo'lishi mumkin. Unda kutubxonaga borish ko'nikmasi shakllanmagandir. Bunday odatni boshidan kechirmagani uchun bu xayrli ishni qilish xayoliga ham kelmaydi. Lekin zamon o'zgardi. Yoshlarni o'qishga qiziqtirish davlat siyosati darajasiga ko'tarildi. Biz nevarani kitobga qiziqitirsa, faqat uning kelajagi farovon bo'lishini ta'minlabgina qolmay, farzandlarimiz keksaydagi zoriqmay yashashiga ham zamin tayyorlagan bo'lamiz. Biz bolani bir muncha vaqt bilimlar bulog'i bo'lgan kutubxonadagi ilm shariatidan tatib ko'rishiga imkoniyat yaratsak, vaqt o'tib uning o'zi bu maskanga bog'lanib qoladi - kitobning xumori shuni talab etadi.

Nevarangizning mo'jazziga bo'lsa ham, kitob javoni bormi? Yo'q bo'lsa, uni yaratishga yordam bering. Bu sizdan unga meros bo'lsin. Ishoning, kitob siz unga qoldirishingiz mumkin bo'lgan har qanday moddiy boylikdan qadrli.

Hurmatli nuroniy! Hech bo'lmaganda oyida bir bor nevarangiz bilan kitob do'koniga tashrif buyuring. Uni kitob tanlashga qo'yib bering. Bunday imkoniyat yaratib berganingizdan qanchalar xursand bo'lganiga guvoh bo'lasiz. Oyda bitta kitob olib berish odat qilinsa, bir yilda kitoblar soni 12 taga yetadi. Besh yil ichida yig'ilib qolgan 60 ta kitob esa har qanday o'quvchi bolaning xonasidagi javonning kitoblari bilan to'lishini ta'minlaydi.

"Nuroni" jamg'armasi Samarqand shahar bo'limi tomonidan "Nevaramga kitob sovg'a qilaman" aksiyasi o'tkazish yo'lga qo'yilgan. Har oyning ikkinchi shanbasi shahar mahallalari raislarining keksalar va faxriylar bo'yicha maslahatchilari nevaralari bilan "Samarqand kitob olami"da yig'ilishadi. Rastalar orasida kitob tanlayotgan bolalarni ko'rib, odamning ko'zi quvonadi.

Kecha tanish bir nuroniy bilan uchrashib qoldim. O'tgan hafta kitob talabalar orasida o'z mutaxassisliklaridan tashqari tadbirkorlikka, sport yoki biror bir hunarni o'rganishga qiziqishi bo'lgan yigit-qizlar ko'p.

Psixologiya va ijtimoiy-siyosiy fanlar fakulteti bitiruvchisi Xurshida Rahmonova nodavlat ta'lim tashkiloti asoschisi hisoblanadi. U tashkil

Xurshid NURULLAYEV,
"Nuroni" jamg'armasi Samarqand shahar bo'limi raisi.

Yaqinda Janubiy Koreyaning Samsung kompaniyasi 2024-yilning ilk kashfiyotlaridan biri sifatida Galaxy S24 mobil qurilmalar seriyasini taqdim qildi. Bu qurilmalarning boshqa smartfonlardan farqi unda Galaxy AI sun'iy idrok dasturiy ta'minoti o'rin olgan. Bu dasturiy ta'minotning imkoniyatlaridan biri telefon qo'ng'iroqlarining sinxron tarjimasidir. Misol uchun, men Xitoydagi istalgan inson bilan o'zbek tilida telefon orqali muloqot qilishim mumkin. Qurilma gaplarimni real vaqt rejimida xitoy tiliga sinxron tarjima qilib beradi va aksincha, suhbatdoshimning gaplarini o'zbek tiliga tarjima qiladi. Ushbu yangilik shundan dalolat beradiki, bundan keyin insoniyat rivojlanishi, ilm o'rganishi uchun til bilmaslik to'siq bo'la olmaydi. Sun'iy idrok barcha sohalarida katta inqilobni amalga oshirish yoqasida turibdi. Yaqin 5-6 yilda katta o'zgarishlar bo'lishi kutilmoqda. Ya'ni, dunyodagi insonlar bir-birining ilm-fan yutuqlari bilan bo'lishish imkoniyatiga ega bo'ladi.

Sun'iy idrok yoki "idrok" so'zi o'tgan asrning o'rtalarida paydo bo'lgan bo'lsa-da, bu sohada eng katta o'sish 2022-yilning oxirlarida boshlandi, deyish mumkin. OpenAI kompaniyasi tomonidan ishlab chiqarilgan GPT (Generative Pre-trained Transformer, ya'ni oldindan o'qitilgan, generatsiyalanadigan transformator) bazasida ishlovchi ChatGPT chat-boti foydalanuvchilar orasida favqulodda mashhurlikka erishdi. Hozirgi vaqtgacha ushbu xizmat bir necha marta yangilanib, o'z imkoniyatlarini kengaytirib kelmoqda. Mazkur model sun'iy idroklar turkumining LLM (Large Language Model- Katta til modeli) toifasiga kiradi. Katta til modeli umumiy maqsadli tilni yaratish qobiliyati bilan ajralib turadigan til modelidir. LLMlar bu qobiliyatlarni o'z-o'zini nazorat qiluvchi va yarim nazoratli hisoblash jarayonida matnli hujjatlardan statistik bog'lanishlarni o'rganish orqali oladi. LLMlar odatda transformatorga asoslangan arxitektura bilan qurilgan sun'iy neyron tarmoqlardir. Soddaroq qilib aytganda, bu texnologiyaning xomashyosi insoniyat tomonidan shu vaqtgacha yaratilgan barcha matnli ma'lumotlardir. Bu xuddi biror robotni ulkan kutubxonaga kiritib, qo'lga barcha kitoblarni birma-bir berib o'qitishga o'xshaydi. Uning bilim bazasi nihoyatda katta. Taqqoslash uchun agar inson shu miqyosdagi ma'lumotlarni o'rganmoqchi bo'lsa, kuniga 20 soatlab kitob o'qib, bir necha asr vaqt sarflashiga to'g'ri keladi. Bu esa imkonsiz.

Sun'iy idrokning imkoniyatlari faqat matnli ma'lumot bilan cheklanib qolmasdan, tasvirlar, tovushlar va video ma'lumotlar singari mahsulotlarni ham taqdim qilmoqda. Misol uchun, tasviri san'at sohasida Midjourney, DALL-E 3 kabi xizmatlar ancha mashhur. Sun'iy idrok hatto tibbiyot sohasida ham bir qancha muvaffaqiyatlarga erishayotganligi xususida xorij matbuoti orqali xabardor bo'lib turibmiz. U bemorning tahlil natijalariga qarab, unga

Sun'iy idrok: TO'G'RI FOYDALANILSA, FOYDA, AKSINCHA..



yuqori aniqlikda tashxis qo'yish, shifokorlarga to'g'ri ko'rsatmalar berish ishlari-ni amalga oshirmoqda. Inson huquqlari sohasida sun'iy idrok katta o'zgarishlar qilishi kutilmoqda. Unda inson omili yo'qligi sababli sud qarorlarini sudyalarga nisbatan adolatliroq chiqarishi, huquqshunoslarga ajoyib yordamchi bo'lishi mumkin. Transport sohasiga sun'iy idrokning kirib kelishi haydovchisiz transport vositalarining paydo bo'lishiga olib keldi. U transport vositasini insonga qaraganda bir necha barobar yaxshi boshqara olish, inson payqamaydigan harakatlarni sezish imkoniyatiga ega.

Samarqand xalqaro texnologiya universitetida ham sun'iy idrok imkoniyatlaridan o'quv jarayonlari va mehnat faoliyatida keng foydalanib kelinmoqda. Universitet xalqaro standartlar asosida tashkil qilingani bois bir qancha bo'limlarning ishi birgina o'quv bo'limiga birlashtirilgan. Shu sababli dars jadvalini professor-o'qituvchilarning vaqtiga moslashtirgan holda shakllantirish, bo'sh auditoriyalarni aniqlash kabi amallar sun'iy idrok yordamida amalga oshiriladi. Professor-o'qituvchilar ham sun'iy idrokdan foydalangan holda talabalarga bilim berishning eng samarali usullarini tatbiq etmoqda. Bundan tashqari, talabalar va xodimlar orasida savollar paydo bo'lgan taqdirda, oldindan trening qilingan chatbot savol-

larga javob bermoqda. Ta'lim maskanida kompyuter ilmlari departamenti qoshida "Sun'iy idrok va ma'lumotlar ilmi" yo'nalishi ochilgan bo'lib, unda soha bo'yicha xalqaro tajribaga ega professor-o'qituvchilar dars berib kelmoqda.

Universitet jamoasi uchun har bir talabaning o'zlashtirish ko'rsatkichi muhim ahamiyat kasb etadi. Buning uchun "Smart University" loyihasi ishlab chiqilmoqda. Bu loyihada talabalarining o'qishga kirgan vaqtdan ta'lim jarayonlarini tugallaguniga qadar bo'lgan barcha jarayonlar sun'iy idrok yordamida, bashoratli tahlil usulida nazorat qilinadi. Misol uchun, biror talaba o'zlashtirishdan ortda qolayotganligi tushuntirib beriladi va aynan shu talaba uchun maxsus yo'l xaritasi tuzadi. Talabalar davomatini nazorat qilish ham sun'iy idrokning yuzni tanish tizimi orqali amalga oshiriladi.

Xulosa qilib aytganda, sun'iy idrokni olovga o'xshatish mumkin. Olovdan to'g'ri foydalangan inson isinishi, ovqat pishirishi mumkin. Noto'g'ri foydalangan inson esa o'ziga va boshqalarga zarar yetkazadi.

Islom MAMATOV,
Samarqand xalqaro texnologiya universiteti o'quv bo'limi boshlig'i.

Yoshlarni ilm birlashtiradi

↓ *Yoshlar minbari*

Bugun ijtimoiy tarmoqlar qanday qilib pul topish, biznes bilan shug'ullanish haqidagi postlar bilan to'lib toshdi. Lekin shu o'rinda savollar tug'iladi. Biznes o'zi nima? U bilan shug'ullanish uchun o'qish shart emasmi? Biznes faqat tavakkalchilikka asoslanganmi?



Tan olib aytish kerakki, tadbirkorlik bugun muhim sohalaridan biriga aylandi. Ayniqsa, biz kabi yosh avlod bu yo'nalishda muvaffaqiyatga erishayotganini ko'rib, havas qilamiz.

Qaysi soha vakili bo'lishidan qat'i nazar, inson bilimli bo'lsa, yutadi. Universitetimizda talabalar orasida o'z mutaxassisliklaridan tashqari tadbirkorlikka, sport yoki biror bir hunarni o'rganishga qiziqishi bo'lgan yigit-qizlar ko'p. Psixologiya va ijtimoiy-siyosiy fanlar fakulteti bitiruvchisi Xurshida Rahmonova nodavlat ta'lim tashkiloti asoschisi hisoblanadi. U tashkil

etgan muassasada 100 nafar bolaga maktabgacha va boshlang'ich ta'lim berib kelinmoqda. Ahamiyatli, bu yosh tadbirkor 12 kishini ish bilan ta'minladi.

Talabalarining mutolaga bo'lgan qiziqishini yanada oshirish maqsadida O'zbekiston Yoshlar ittifoqining universitetdagi boshlang'ich tashkiloti koordinatori bilan turli so'rovnoma va viktorinalar o'tkazib, g'olib bo'lgan yigit-qizlarga kitob sovg'a qilish an'anaga aylandi.

Universitetning filologiya fakulteti talabalaridan iborat "Behbudiy izdoshlari" teatr jamoasi tomonidan joylarda spektakllar namoyish etilmoqda. Xususan, mazkur jamoa 2023-yilda o'tkazilgan "Ma'rifat maydoni" respublika tanlovida ikkinchi o'rinni egallab, 25 million so'm pul mukofotini qo'lga kiritdi.

Talabalarining intellektual bilimlarini oshirish uchun zakavat o'yinlari, notiqilgini shakllantirishga qaratilgan "Munozara" debat turnirlari, Navoiyxonlik va Boburxonlik badiiy kechalari o'tkazilyapti. Chet tillarini o'rganishni yanada ommalashtirish maqsadida "Speaking club", huquqiy savodxonlik va boshqa bir qator loyihalar amalga oshirilyapti.

Matematika fakulteti talabalari Toshtemir Abdurahmonov, Islom Xolmurodov hamda intellektual tizimlar va kompyuter texnologiyalari fakulteti talabasi Jahongir Temirov respublika oliy ta'lim muassasalari talabalari o'rtasida o'tkazilgan "TEKNOFEST" muhandislik texnologiyalari festivalida g'oliblikni qo'lga kiritdi.

Yoshlar va biznesni qo'llab-quvvatlash yilida xayrli ishlarimiz va yutuqlarimiz yanada oltishiga umid qilamiz.

Allayor NORBOYEV,
Sharof Rashidov nomidagi Samarqand davlat universiteti yoshlari yetakchisi.

SHU OYDA
TAVALLUD
TOPGANLAR

14-MART
Barot BOY-QOBILOV - (1937-2006) Urgut tumanida tug'ilgan. O'zbekiston xalq shoiri, Alisher Navoiy nomidagi davlat mukofoti laureati.

Nodir JONUZOQ - 1976-yilda Bulung'ur tumanida tug'ilgan. O'zbekiston Yozuvchilar uyushmasi a'zosi.

15-MART
Botir USMONOV - 1984-yilda Samarqand shahrida tug'ilgan. O'zbekistonda xizmat ko'rsatgan sport ustadisi. O'zbekiston ittixori ko'krak nishoni sohibi.

O'tkir RAHMAT - 1948-yilda Toyloq tumanida tug'ilgan. O'zbekistonda xizmat ko'rsatgan jurnalist, Xalqaro Cho'lpon mukofoti sohibi. O'zbekiston Yozuvchilar uyushmasi a'zosi.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 12 700 nusxada chop etildi. Buyurtma 142. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.
Korxona manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.
Bosishga topshirildi: soat 19:00

Navbatchi muharrir:

A.SHERXOLOV.

Navbatchi:

D.TO'XTAYEV.


Sahifalovchi:

B.ABDULLAYEV.



Saytimizga o'tish uchun QR-kodni telefoningiz orqali skaner qiling

ISSN-201667X



Sotuvda narxi kelishilgan holda